



Inatsisartunut ilaasortaq Justus Hansen,
Demokraatit

§ 36, imm. 1 naapertorlugu apeqqummut nr. 2010-251-imut Maniitsumi ataavartumik efterskolemik inissiineq pillugu akissut

18. november 2010
Sagsnr. 2010-024961
Dok. Nr. 507439

Asasara Justus Hansen,

Postboks 1029
3900 Nuuk

Naalakkersuisut ataavartumik Maniitsumiittumik efterskoleqalernissaanut aalajangernerat pillugu sisamaasunik makkuninnga apeqquqeqarputit:

Tlf.: +299 34 50 00
Fax: +299 32 20 73
Email: kiiin@nanoq.gl
www.nanoq.gl

1. Naalakkersuisunik nassuiaqquneqarpoq, Maniitsumi inissiinissaq qanoq ililluni pinngorsimanersoq aammalu inissiiffiusinnaasut sumiiffiit allat suut misissorneqarsimanersut. Tassunga ilanngullugu Naalakkersuisut saqqummiuseqquneqarput naatsorsuutinik takutitsisunik sooq Maniitsoq allanut naleqqiullugu inissiiffiusariaqartutut toqqarneqarsimanersoq, allanimmi Naalakkersuisut ilanngussisimanissaat naatsorsuutigisariaqarmat.

2. Naalakkersuisut uppersarsinnaavaat Maniitsumi efterskolemik inissiiniarneq suminnganneermerk pingaartitsinermerk tunngaveqanngitsoq ?

3. Oqallinnermi malunnarpoq amerlanerussuteqartut kissaatigingaat efterskole Tasiilamut inissinneqassasoq. Kulturimut, Ilinniartitaanermit, Ilisimatusarnermit Ilageeqarnermullu Ataatsimiititaliali toqqaannartumik Naalakkersuisut peqqunngilai efterskolep Tasiilamut inissinissaa sulissutigissagaat, Naalakkersuisut allamut inissiisinnaanermut misissuineranni killilersuinissaq kissaatigineqanngimmat imaluunniit Qasigianguani efterskolip pioreersup allineratigut efterskolerusuttut amerlanerusut tiguneqartalernissaanut periarfissarsiorsinnaaneq mattukkusunneqanngimmat. Naalakkersuisut uppersarsinnaavaat inissiiffiusinnaasut tamarmik misissorluarneqarsimasut?

4. Soorlu takuneqarsinnaasutut, Naalakkersuisut inassutigaat siunnersuut itigartinneqassasoq, tunngavilersuutigalugu nammineq pilersaarusiamik aallartitseersimaneq. Kukkunerunerluni isumaqassagaanni, Naalakkersuisut taamanili aalajangiutereersimagaat efterskole Maniitsumut inissinneqassasoq ?

Matuma kingorna apeqqutinut sisamaasunut immikkoortiterlugit akissutit imaapput:

Apeqqummut 1-mut akissut:

Naluneqanngitsutut nunatsinni aningaasarsiorneq ukiuni makkunani ajornartorsiorfiuvoq. Taamaakkaluortoq inatsisartut tamarmiullutik isumaqatigiittut ilinniagaqarneq pillugu immikkut suliniuteqarneq aalajangiusermaniarlugu qinersimavaat tamatumalu malitsigisaanik ilinniagaqartut amerlinerisa kingunerisaanik nunatta karsianut annertune-

rungaatsiartunik aningaasartuutaasussat. Ataatsimut isigalugu ilinniagaqarneq pillugu suliniuteqarneq, ingammik ilinniartunut inissaqartitsineq aamma ininik atuartsivissaqar-niarneq, ajornartorsiortitsippot taamaattumillu tamakkuninnga sumiiffinni assigiinngitsuni illuutunik allilerinissamut nutaanillu sanaartornissamut annertuunik aningaasa-liisoqarsimavoq.

ATI-p INUILI-llu Narsamiittup atuuffimmikkut inigisatigullu ataatsimoortsinneqarnissaan-nik Naalackersuisut aalajangernerat Maniitsumi ATI-p illuutaasa augustimi 2011-mi allan-ut atorneqarsinnaanngornerannik kinguneqarpoq. Taamaaliernerup siunissami efter-skolimik pilersitsinissaq piviusunngortsissinnaasimavaa ilinniartut inigisaannik atuarfis-saannillu nutaanik sanaartunngikkaluarluni. Qaqortumi taamatut pilersitsisinnaaneq aamma periarfissaasimagaluarpoq tassami Sulisartut Højskoliata illuutaani, nutaamik sanaartunngikkaluarluni, efterskoliliortoqarsinnaasimagaluarmat. Tamatumunnga tun-ngasumik højskoli aperineqarnerminut nalunaaruteqarsimavoq højskolitut pikkorissartar-fittullu siunissamittaag Qaqortumi ingerlatsiinnarumalluni.

Tamatumunnga ilanngullugu tamanna pillugu Naalackersuisuni susassaqrariusup 2006-imi kommunit efterskolimik pilersitsisinnaanermut siunnersuusuaanni aningaasatigut pi-lersaarusiaasut qimerloorsimavaat. Ammassallip Kommuneata aningaasaqarneq pillugu taamanikkut naatsorsuusuaat ilanngussatut 1-itut ilanngunneqarput. Pilersaarusiani tamakkua assigiisutigaat nutaanik sanaartornissamut aningaasartuutissanik anner-tuunik pisariaqartitsinissaq.

Apeqqummut 2-mut akissut:

Apeqqummut 1-imut akissuteqaammi ersertutut, Maniitsumi efterskolimik pilersitsinis-samik aalajangernermi nuna tamakkerlugu, sumiiffiillu ataasiakkaat aallaaviginagit, naalackersuinikkut isummersuutit tunngaviusimapput tassami Naalackersuisut naliler-simavaat sumiiffimmut tassunga inissiineq, piffissaq sivikinnerusoq sivilunerusorlu eqqarsaatigalugit, assersuutigalugu Tunumi imaluunniit Kujataani inissiinermut naleqqiullugu, aningaasatigut nunatta karsimut iluaqutaanerussasoq.

Apeqqummut 3-mut akissut:

Takoqquneqarput apeqqummut 1-imut 2-mullu akissutit.

Apeqqummut 4-mut akissut:

Naalackersuisut 2010-mi upernaakkut Inatsisartut ataatsimiinerisa nalaanni ataavar-tumik efterskolissap inissinneqarnissaa isummerfigisimanngilaat taamatullu tamman-ikkut Maniitsumi inissiinissaq suli pilersaarutigineqarsimanngilaq.

Inussiarnersumik inuulluaqqusilluta

Mimi Karlsen

Ilanngussaq: Ammassallip Kommuneata aningaasaqarneq pillugu naatsorsuutai